

**KAJIAN TENTANG KEPERCAYAAN
KARUT ATAU TAHYUL BAGI
MASYARAKAT MELAYU DI SARAWAK**

OLEH:

RYENNA ZAMELLA BT. BOHARI

Kertas kerja ini dikemukakan kepada Fakulti Pentadbiran Dan Undang-Undang
Universiti Teknologi MARA Cawangan Sarawak bagi memenuhi keperluan syarat
Program Diploma Pentadbiran Awam

**FAKULTI PENTADBIRAN DAN UNDANG-UNDANG
UNIVERSITI TEKNOLOGI MARA
CAWANGAN SARAWAK**

APRIL 2003

ISI KANDUNGAN

Kandungan	Muka Surat
Surat Akuan	I
Penghargaan	II
Abstrak	III
Rangka Kajian	IV
Senarai Jadual	V
Senarai Rajah	VI

BAB 1 PENGENALAN

1.1 Pengenalan Kajian	1
1.2 Latarbelakang Kajian	4
1.3 Penyata Masalah	8
1.4 Objektif Kajian	9
1.5 Skop Kajian	10
1.6 Hipotesis	11
1.7 Andaian Kajian	12
1.8 Kepentingan Kajian	14
1.9 Methodologi	15
1.10 Batasan Kajian	17
1.11 Penemuan Kajian	19

ABSTRAK

Sistem Kepercayaan Karut Atau Tahuyl merupakan suatu warisan yang telah diwarisi secara turun-temurun dari satu generasi kepada generasi yang lain. Dalam konteks ini, semua lapisan masyarakat di dunia mempunyai suatu kepercayaan yang tersendiri. Begitu jugalah dengan masyarakat Melayu di Sarawak yang tidak dapat terlepas daripada mewarisi kepercayaan yang telah diturunkan oleh nenek-moyang mereka.

Dalam kajian saya ini, saya telah memilih pelajar-pelajar Universiti Teknologi Mara, Kampus Samarahan yang berbangsa Melayu sebagai responden utama. Tujuannya di sini adalah kerana saya ingin membuat perbandingan tentang tahap amalan kepercayaan karut pada zaman moden kini sama ada ianya mampu berfungsi dengan cekap, efektif, berkesan serta berkualiti ataupun sebaliknya mahupun yang sedang dipraktikkan mampu memberi kepuasaan di kalangan masyarakat Melayu.

Apa yang mampu saya katakan di sini ialah saya amat berharap agar kajian ini dapat dijadikan rujukan kepada mana-mana generasi pada masa hadapan serta digunakan oleh mana-mana insan lain.

BAB SATU

PENGENALAN

1.1 Pengenalan Kajian

Dalam kehidupan moden, yang lama dianggap lapuk dan tidak berguna. Maka atas dasar itu, yang lama terus disisihkan, tidak diperlukan malah enggan mempedulikannya kerana kononnya mendakwa yang moden itu mempunyai prinsip terbaik dan diterima umum.

Begitulah halnya dengan sistem kepercayaan karut atau tahuyl yang mana telah ditinggalkan zaman kerana kebanyakan masyarakat hari ini lebih memberikan tumpuan serta mengutamakan sistem kehidupan moden. Amat malang sekali, kepercayaan karut ini sudah tidak lagi mempunyai ruang untuk menyumbangkan jasanya walaupun sebelum kehadiran dunia moden merampas takhta dalam mempelopori arus kehidupan. Sebenarnya, kepercayaan karut atau tahuyl ini memainkan peranan penting dalam menangani serta membendung masalah sosial amnya.

Maka istilah kepercayaan merujuk kepada Kamus Dewan yang membawa maksud suatu keyakinan atau akuan akan benarnya atau adanya sesuatu, iman, iktikad. Contohnya di sini adalah seperti kepercayaan karut atau tahuyl itu sendiri seperti ada yang mengatakan telur, ikan dan daging boleh menyebabkan bisul.

1.2 Latar Belakang Kajian

Setiap lapisan masyarakat di pelusuk dunia umumnya di Malaysia mempunyai suatu istilah kepercayaan karut ataupun tahuyl yang tersendiri. Kepercayaan karut ini asalnya tercipta pada masa yang lampau di mana iaanya mampu dijadikan panduan untuk kehidupan seharian. Sebenarnya, kepercayaan karut ini adalah untuk membina suatu sikap dan kepercayaan yang difikirkan perlu. Sesetengah daripada kepercayaan karut ini menuntut agar setiap individu bersikap serta berpandukan kepercayaan ini pada masa yang tertentu di samping mengelakkan sesetengah tindakan yang dipercayai akan menjadi suatu yang bahaya.

Secara umumnya, kepercayaan karut ini dapat dilihat dalam tiga aspek;

- (a) peraturan
- (b) akibat sekiranya peraturan tersebut itu tidak diikuti.
- (c) Nilai-nilai praktikal mengenai kepercayaan dalam kehidupan manusia.

Aspek kepercayaan ini menuntut individu terutamanya kanak-kanak yang melalui proses pembesaran agar bersikap mengikut suatu kelakuan atau tidak berkelakuan yang bercanggah dengan kepercayaan karut tersebut. Kebanyakan peraturan adalah ditubuhkan dengan pelbagai aspek kehidupan seperti;

- (a) sosial
- (b) etika
- (c) kehidupan manusia
- (d) keselamatan diri sendiri
- (e) perhubungan dengan orang tua, jiran, kaum jantina yang bertentangan
- (f) perkara sexual